




53194

I

Mag. St. Dr.

P

Car. Diss. Phil. Pub. in Conspectu H. Micha-
elis et Joseph Cracoviae: Ens mobile
ad mentem angelicam et Euloviae Docta-
ris D. Thomae ex VIII lib. Physicor. decer-
ptum.



ENS MOBILE
Ad mentem Angelici & Ec-
clesiæ Doctoris D. THOMÆ
Aquinatis
Ex octo Libris Physicorum
decerptum.

A

FF. CARMELITJS DISCAL: PHILOSOPH
Studijs in Conuentu SS. Michælis & Ioseph
Cracouiæ Publico certamini
EXPOSITVM.

Anno Sanctissimi Iubilæi 1650. Mense
Iunij Die 26 hora 2 post Meri.

CRACOVIAE,
In Officina Valeriani Pigtkowski.



In Stemma Illustris: Domus Gembiciana.



53194 **C**andida sphaeriacos imitatur **F A S C I A** gyros;
 Insignes calo copulat **O R B E** viros;
 An quia iustitiae praecingit lumina? factus
 Immortalis eras **F A S C I A** pulchra Tuis,
 Praedicat ergo Domus **G E M B I C I C I R C V L V S** iste
 Famam principio, sine carere Tuam.

M.

Concepit

Illustrissimo ac Magnifico Domino,
D. LAURENTIO
G E M B I C K I,

PALATINIDÆ LECICENSIS,

Canonico Cracou. &c. &c.

Domino ac Benefactori munificentissimo,

Fres Carmelitæ Discalceati Philosophiæ Stud:

Perpetuam felicitatem.



*N*atum est laureatæ Palladi,
à magnis magnum, mutuarè
*N*omen Heroibus, Mæcenas
Illustrissime. An Carmelitici
quia Parnassi Domina est? V-
bi nostris latere non apparere,
subijci non regere, laudis est
musis; nec volunt scientiæ gloriari nisi sub magnis
Illustrium Patronorum *N*ominibus? Ita est Fa-
sciata voluit in Philosophicum descendere Pallas
certamen; quia,

FA.

sevit laudi singulariter.

773. FASCIBVS à magnis FASCIA nomen habet.

Hinc fortasse sapientia non sub alia tutela nisi sub gloriosissimo Vestrae FASCIAE candore non gloriari infans, sed tueri appetijt. Poterit ergo tabeficos Carmeliticus delere Parnassus errores, & vulneribus pro incruenta veritate in palæstrata acie susceptis mederi, ab interituq; famam sapientiae vindicare, qui ideo fasciatus est, ut possit Tuæ ligaturis FASCIAE, & beneficijs. Tuis conuictos, ad Tui

Nominis Triumphum, & hostes captiuare.

ASSERTIONES

Ex octo Libris Physicorum.

ENS mobile (sumpto ly mobili radicaliter) quod idem est secundum rem cum substantia & corpore naturali, est obiectum adæquatum Physices, tam secundum rem quàm secundum meliorem expressionem. Substantia vero naturalis ac corpus naturale, etsi sint Obiectum illius secundum rem, non tamen secundum meliorem expressionem.

2. PRima principia Entis naturalis vt abstrahit ab in- corruptibili & corruptibili ab Aristotele definita: ea sunt quæ nec fiunt ex alijs neq; ex alterutris, sed omnia fiunt ex ipsis; numeranturq; in fieri tria Materia Forma & Priuatio, & infacto esse duo Materia scilicet & Forma. Ex quibus Forma & Priuatio nō solum contraria verum etiam sunt prima contraria.

3. Materia quæ est primum ex supra enumeratis. Entis naturalis principium, definita est ab Aristotele per hoc, quod sit primum subiectum vniuscuiusq; ex quo aliquid fit cum insit; nō secundum accidens. Quæ ita est pura potentia, vt nullum afferat ex se actum tam formalem quàm Entitatum, nec existentiam partialē.

4. **V**nde prouenit omnem illius existentiam prouenire à forma substantiali, sine qua etiam per Diuinam potentiam existere non potest. Vnitatis quoque illius tam numerica positiua quàm specifica ab eadem forma substantiali desumitur, licet vtramq; negatiuam ex se afferat.

*appetitus
duplex* 5. **E**adem Materia prima habet appetitum, ad formam substantialem: nō quidem elicited, (vt pote ex pers cognitionis) sed innatum. Qui respectu formæ habitæ est complacentiæ: respectu verò formæ habendæ est desiderij. Inde q; sortitur insidiatricis nomen, quia cum sit radix omnis corruptionis, in se tamen ingenerabilis & incorruptibilis perseverat.

6. **O**mnes formæ substantiales, exceptâ anima rationali, (quæ creatur) formis cælorum & Elementorum (quæ in prima sui productione concreatae sunt) educuntur de potentia materiæ. Quorum educi consistit in hoc quod est contineri eas in materia, & fieri ex vi actionis transmutantis ipsam. Definitio quoq; formæ substantialis quod sit actus primus corporis est bona

7. **F**ormæ verò accidentales tam naturales quàm supernaturales educuntur de potentia subiecti, licet illæ quæ in instanti educationis cum subiecto perseuerant non tam educi quàm coeduci dicuntur.

8. **I**mplicat contradictionem duas formas substantiales
esse simul in eadem portione materiæ. sicut & vnâ
formam duplicem materiam informare Priuatio, quæ
est verum Entis naturalis principium, cōuenit cum ma-
teria & forma in ratione principij, Analogiâ proportio-
nalitatis, non verò proportionis.

9. **C**ompositum substantiale constans essentialiter &
intrinsicè materiâ & formâ, non distinguitur à
suis partibus simul sumptis & vnitis: nisi ratione ratio-
cinata; Partes autem illius vniuntur inter se mediante
vnione ab eis realiter modaliter distincta quæ licet for-
maliter in se sit multiplex realiter tamen & Entitati-
uè est ynica.

10. **N**atura definitur ab Aristotele quod sit principium
motus & quietis eius in quo est primò per se &
non secundum accidens: quæ definitio competit non
solum materiæ primæ verum etiam & formæ substanti-
ali quatenus ambit Rationalem, vt pote in ratione na-
turæ perfectissimam. Compositum tamen Substantia-
le non tam dicitur natura quam à Natura. Ars
non potest efficere opera naturæ per veram efficientiâ,
sed aliquahter tantum applicando nimirum actiua pas-
siuis.

11. **C**ausa est id ex cuius esse sequitur aliud Diuiditur
quæ adæquatè in Materialem Formalem Efficien-

tem & Finale. Quarum effectus aliquando est perfectior aliquando verò eiusdē perfectionis cum ipsis, semper tamen est posterior: Qui ^{tamen} ^{an} ~~si~~ ^{sumitur} secundum illud esse, quod habet à causis intrinsecis distinguuntur realiter modaliter ab ipsis; Si verò secundum totū suum esse quod habet accipiatur, tunc reali Entitatiuā distinctione separatur à qualibet.

12. Causa Efficiens definitur quod sit id à quo primo incipit motus diuiditur q; in Principalem & Instrumentalem. Principalis causa respectu productionis substantiæ non potest esse accidens sed semper est substantia, benè tamen causa instrumentalis nō solum dispositiua & materialis; Inde tamen non sequitur substantiam esse immediatè operatiuā quod implicat sed tantum radicaliter: quandoquidem neq; immediatè neq; medijs accidentibus & per actionem aliquā distinctam confortat influxum accidentiū in productione substantiæ; Neq; media actione distincta ab actione generātis producit à propria essentia dimanantes passionēs. Hæc tamen productio non est vera actio sed emanatio consistens in ordine quo exeunt passionēs depēdenter ab essentia & ab inuicem ex vi vnius & eiusdem actionis Generatiuæ. Et propterea non dicitur essentia principii productiuiū rigorolum suarum passionum, sed lato modo &

do & deficienter. Accidens tamen respectu sibi simili
accidentis potest esse causa principalis. Cuius cau-
salitas in actu secundo sicut & cuiuslibet causæ efficien-
tis melius exprimitur per agere quàm per actionem.

13. **C**ausa secunda necessaria non solum in suo esse ve-
rum etiam in operari est dependens immediatè à
Deo, ad quam dependentiam non sufficit concursus si-
multaneus, sed indispensabiliter requiritur concursus
præuius; siquidem non solum à causa prima iuuatur in
operando verum etiam præmouetur ad operandum: Et
hoc tam ex Mente Aristotelis quàm ratione conuinci
asserimus. Duæ causæ totales & eiusdem ordinis tam
simul, quàm diuisim, non possunt producere vnum nu-
mero effectum, etiam per absolutam Dei potentiam.

14. **I**nstrumentum non operatur nisi in quantum est
motum à principali Agente habetq; actionem præ-
uiam ad actionem Principalis agentis, respectu cuius cō-
paratur non vt Instrumentale sed ^{agentis} Principale agens. Da-
tur Fortuna & Casus in rebus sublunaribus & in orbibus
Cælestibus & Angelis respectu effectuum qui con-
tingunt in inferioribus. Fatum quoq; Catholicè intel-
lectum dari ^{concedimus} asserimus: quod quidem, si comparetur ad
suum principium est vnicum, si vero ad suos effectus
tunc multiplex esse asserimus.

15. **F**inis est vera causa realis & Physica Quæ definita ab Aristotele Finis est cuius gratia aliquid fit. Constituitur in ratione causæ per realem bonitatem, cuius bonitas secundum suum esse reale mouet appetitum; ad quod apprehensio non nisi vt conditio sine qua nō, requiritur. causalitas autē Metaphysica illius est actio voluntatis prout à fine.

16. **M**otus est actus Entis in potentia prout in potētia, quæ definitio non solum motus successiuos, sed etiam mutationes instantaneas, quæ sunt actus imperfecti comprehendit. Motus in Mobili tamquam in subiecto recipitur distinguiturq; à Termino realiter formaliter & secluso intellectu. Habet se per modum subiecti quo respectu Actionis & Passionis, & ideo nō est essentialiter superior ipsis, sed omnes hæ formalitates in vna Entitate saltem modali motus identificatæ formaliter inter se distinguuntur: Actio transiens ex mente Aristotelis & D. Thomæ, necnon secundum rationem subiectatur in Passo non vero in agente.

17. **I**nfinitem secundum essentiam, magnitudinem, numerum, intensiōem, non solum naturaliter, sed etiam per Diuinam potentiam produci repugnat; licet data quacunq; Creaturâ possibili possit Deus aliam, & aliam perfectiorem vsq; in infinitum producere. Si ta-

men

men per impossibile infinitum inueniretur tam secundum magnitudinem, quam secundum numerum, tunc licet secundum rationem formalem non inueniretur maius altero, bene tamen secundum rationem materialē.

18. **L**ocus est superficies vltima corporis cōtinētis immobilis primi. In qua definitione superficies nō est verum genus ab immobilitate contractum, sed solū habet se per modum subiecti respectu sui accidentis. **L**ocus naturalis vltra propriam rationem addit qualitatem *consuetudinariam* locati. In quo primum mobile non est actu etiam per accidens seu ratione partium, sed solum in potentia, tā secundum totum suum esse quam secundum esse partium consideratum. *Implicat vnum & idē corpus esse simul in duobus locis circumscriptiue, non tamen plura corpora in eodem loco.*

19. **I**mpossibile est tam naturaliter quam virtute aliquā creatā dari vacuum; licet hoc Diuine potentie non repugnat: posito tamen illo tunc motus per illud facti fierent in tempore, non in instanti.

20. **T**empus, quod est numerus motus secundum prius & posterius, distinguitur ab aternitate & a quo penes hoc, quod sit duratio rei mutabilis tam secundū esse quam secundum accidentia. Rursus distinguitur realiter à motu & quævis duratio à re duranti.

Nullā
habet

habet existentiam ratione partium, sed solum ratione instantis indiuisibilis existit In ratione mensuræ est vnū numero, at secundum rationem essentialem multiplicatur ad multiplicationem motuum in quibus est eoq; omnes substantiæ corruptibiles mensurantur.

21. **A**d tria prædicamenta datur per se motus, nempe Quantitatem, Qualitatem & Vbi, ad reliqua verò non; Qui vnitatem specificam desumit à termino ad Quem & medio formaliter sumptis: Numericam verò ab vnitate Mobilis termini & temporis. Contrarietas verò Motuum formaliter desumitur à contrarietate terminorum ad quos & medij; materialiter verò & conlecutiuè à terminis à quibus. Vnum autem & idem Mobile non potest simul & per se moueri duobus motibus contrarijs etiam in gradibus remissis.

22. **I**n continuo dantur vera indiuisibilia tam contínuatiua quàm terminatiua, non tamen ex eis continuum componitur. Sed insuper ad sui constitutionē requirit actu partes, quarum aliquotæ sunt finitæ proportionales verò sunt infinitæ non quidem actu sed in potentia. Vnde ^{non} potest in eis actu signari pars prima vel vltima.

24. **D**uo communiter á Philosopho assignantur termini inceptionis & desitionis. Inceptionis sunt

Pri

Primum sui esse & vltimum non esse definitionis verò Pri-
imum non esse & vltimum sui esse. Res successiue &
qualitates materiales in fieri incipiunt per vltimum nō
esse & desinunt per primum non esse. Indiuisibila ve-
rò successiuorum, sicut & qualitates materiales in fa-
cto esse, incipiunt per primum sui esse & desinunt per
vltimum esse. Substantiæ verò corruptibiles vtroque
modo incipere & desinere possunt.

24. **I**n animata non minus quàm viuentia, habent ex
natura sua terminos suæ magnitudinis & paruita-
tis, qui quatuor à Philosophis numerantur. Magni-
tudinis duo, nempe maximum quod sic, & minimum
quod non. Paruitatis etiam alij duo, nempe mini-
mum quod sic & maximum quod non.

25. **I**nter mouens & mobile necessario debet esse rea-
lis distinctio, vnde grauiā & leuiā non possunt à se-
ipsis sed à generante per se moueri. Ad hoc autem vt
causa efficiens attingat effectum, necessarius est conta-
ctus passi non solum virtutis, sed etiam suppositi.

26. **M**undus secundum fidem de nouo inceptit. Qui
tamen potest cum solo Dei ordinario concursu
in perpetuum à parte post durare. Potuit quoque es-
se ab æterno, secundum aliquam creaturam, in dō se

cundum generationes, & corruptiones, unicâ exceptâ
propagatione Humana.

27. **E**T quia doctrina Entis Mobilis eò tendit vt per e-
am deueniatur in cognitionem primi Motoris.
Ideò rectè Aristoteles ex motu collegit dandum esse
primum Motorem Immobilem vnicum simpli-
cissimum Æternum Immenſum Infi-
nitum ac infinite perfectum.


Cui gloria Honor ſit
in æternum

A M E N.

Amen.







By. 1.6.

Biblioteka Jagiellońska



stdr0017759

